

DISPUTATIO JURIDICA 4930
DE
CORPORE DE-
LICTI

Q V A M
AUSPICE DEO!

PRAESIDE

*Magnifico, Nobilissimo, Amplissimo & Ex-
cellentissimo Viro*

DN. HENRICO HAHNIO, ICto,
Antecessore hujus Juliae celeberrimo, Facul-
tatis suae Seniore, Dicafterij VVolferbytani Adses-
sore gravissimo & p.t. Vice-Rectore
Magnifico


Dn. Hospite, Praeceptore & Promotore per-
petim devenerando
publico doctorum examini submittet

AUTHOR

J O H A N Barckhusen

IN IVLEO MAIORI

Horis antemeridianis
ad d. xx. Sept.



HELMESTADI,

Typis HENNINGI MÜLLERI Acad. Typ.

CIO IOC LXII.



V I R I S

*Magnifico, Nobilissimo, Amplissimo, Consultissimo,
mis, Prudentissimo*

DN. IOHANNI
DN. HERMANNO, Barchhusen
DN. BARTHOLDO

FRATRIBUS GERMANIS

Illi J.U.D. Illustrissimi Comitis ac Nobilioris
Domini in Lippia Consiliario, ejusdemque
Judicii Provincialis Vice-Præsidi, Patruo meo
Parentis instar venerando. Isti Consuli
apud Ufflenienses gravissimo, Parenti meo
filiali amore & obsequio prosequendo. Huic
Civi in eadem Civitate Ufflenia primario,
Patruo meo multis nominibus
colendo.

Hanc disputationem Iuridicam

D. D.

AUTHOR

IOHAN Barchhusen.

CUM DEO!
DISPUTATIONIS IVRIDICÆ
De
CORPORE DELICTI
THESIS I.

Est mortalium perversitas, ut liciti & illiciti communia principia, ipsis naturâ indita, *Rom. 2. vers. 15.* secus habeant, affectibusque suis malisve consultoribus aurem utramque inclinare & effreni appetitui morem gerere malint, quàm rectam rationem ducem sequi. Imo, cum natura inter homines quasi cognationem instituat, *Aristot. 1. Rhetor. 11. incis. 44. l. 3. ff. de iust. & iur.* malitiâ tamen inductus & irâ sæpius commotus homo homini insidias struere nullus dubitat; Adeò, ut se invicem nonnunquam vitâ privent, hocque modo, uti communiter dicitur, homo homini lupus existat.

II.

Quibus sanè gravissimis hominum vitijs, quamprimum fieri potest adimenda est illecebra, & sapor dulcedinis subsequente aliquo dolore omninò est restringendus; ut ita metu pœnarum perversi isti homines boni evadant, *arg. l. 1. §. 1. ff. de iust. & iur.* hocque ipso emen-

dentur, *l. 20. ff. de pæn. & alij exemplo illorum deterriti minus delinquant, l. 6. §. 1. d. t.* Et certè, delicti gravitate exigente, supplicia ejus utriq̃e crescere debent, *arg. l. 10. §. fin. ff. d. pæn.* In tantum, ut delinquentes etiam planè è medio tollantur & capitis pœnam luant. Judici enim in criminibus enormibus jura nonnihil transgredi licet, *Franciscus Bruno tr. de judiciis & torturapart. 2. q. 5. n. 10. Brunorus à Sole consil. crimin. n. 8. Mynsing. 2. obs. 54.*

III.

Causæ verò sanguinem & vitam hominis concernentes cum maximè sint arduæ: Judex, qui earum cognitioni præest, maturiori consilio factum ejusque circumstantias accuratè expendere debet, ne sanguine innocentis manus polluat, ac homicidam quærendo ipse homicida fiat, *Iustus Oldecop in cancell. criminall. caus. 8. n. 1.* Proinde tutissima ipsi via esse videtur, si omnium primo corporis delicti notitiam sibi acquirat: Quantum enim hoc ipsum conferat, si judex, de homicidio vel alio crimine judicaturus, prius certior factus sit de delicto commissio, cuncta quotidie experiuntur tribunalia. Operæ precium itaq̃ue nos facturos firmiter confidimus, si pauca quædam de hâc corporis delicti materia publicâ aliquâ disputatione, tanquam optimo veritatis cribro, discutienda proponamus.

IV.

Quod ipsum invocato prius numine divino feliciter nos effecturos speramus, *l. 2. pr. C. d. offic. præs. prator. Afr.* si totam hanc tractationem intra certos terminos coërceamus: Ita, ut monstratâ sede hujus de corpore delicti materiæ, traditâ quoque ejusdem aliquâ descriptione & divisione, *Primè* certam aliquam gulam

ponamus regulam, quod scilicet de corpore delicti prius constare debeat antequam de eodem iudicium instituat: Deinde, pro ratione diversorum iudicis actuum dicamus, quomodo de corpore delicti constare debeat ut locum habeat 1. Inquisitio 2. Captura 3. tortura & 4. ut iuste fiat condemnatio. Tercio, specialem aliquam de delictis nonnullis tractationem breviter instituamus & hoc modo ante oculos ponamus quomodo in iisdem de corpore delicti constare debeat: Hisque tandem, insignem effectum quem cognitio hæc de corpore delicti in singulis actibus præstet subijciamus.

V.

Locum & sedem hujus materiæ quod attinet, de ea non conveniunt DD. ut plurimum tamen in *l. 1. §. 24. ff. d. Scito Syllan.* ejusdem genuinam sedem statuunt, *vid. Dn. Carpzov. pract. crim. p. 3. q. 108. n. 5. Dn. Brunne- man, tr. de inquisit. process. cap. 7. n. 3. Clarum. pr. crim. §. fin. q. 4. n. 1. Anton. Columbanum, de modo proced. extra ordin. n. 44. Prosper. Farinac. de inquisit. lib. 1. tit. 1. q. 1. n. 6. & alios ab ipso allegatos.* Lex autem illa, etsi sic satis videatur esse clara, interim præferremus nos textum elegantem *l. 1. C. ubi caus. fiscall. agant.*, totius legis verba sunt hæc. *Non defensione mortis questionem, apud procuratores nostros non oportere tractari, nec bona à fisco peti posse, priusquam de crimine constiterit apud eum, cui convictus pœnam irrogare licet, quis ignorat? Planè defunctis homicidii reis, apud procuratores quoque causam agendam esse ratio permittit.* Cui addatur specialis & singularis locus in *Nemesi Carolina artic. 54. item artic. 6. & ss.*

VI.

Cum verò alicujus rei tractatio lectori perobscura videatur qui nondum edoctus sit quidnam scilicet sit illud de quo agatur: Ideo necessum est prius ut declaremus quid per *corpus delicti* intellectum velimus. Quod dum agimus, à Comuni juris criminalis interpretum sententia non recedimus, sed cum illis per *corpus delicti* nihil aliud denotari putamus, quàm delicti substantiam, existentiam, vel delicti facti veritatem, *vid. Marc. Anton. Blancum de iudiciis n. 15. Clar. in pr. crim. §. fin. Carpzov. in pr. crim. p. 1. q. 16. Tranquillum Ambrosinum process. informat. lib. 1. cap. 1. n. 1. & 2. Brunneman de inquisit. c. 7. n. 3.* Adeoque arg. *l. 41. ff. d. pæn.* rectè describi possit, *Corpus delicti est existentia turpis facti contra leges Reipublicæ.* Unde apparet, corpus nobis hîc esse substantiam sive existentiam; perinde atque dicimus constare ignorari corpus delicti, id inquiri, probari, investigari, repræsentari. V. C. Si quis insimuletur homicidij, debet constare de homine mortuo & cadavere, nec non de vulneribus; si furti, debet constare de rebus ablatis P. N. D. *art. 6. 54. 55. ibiq. Steph. Zieritz. Manz.*

VII.

Delictum, quod à delinquendo dictum voluat, quasi derelictum, sumitur vel latè vel angustè. Latè acceptum etiam crimen complectitur, *l. 1. & 2. ff. de LL. l. 1. l. 5. §. fin. ff. de pæn.* Angustè sumtum, opponitur crimini *l. 2. §. 8. C. de vet. jur. enucl. l. 17. §. 18. ff. d. ad lit. edict.* Est verò delictum turpè factum contra leges Reipublicæ. Ubi per factum intelligitur actus quidam hominis externus, eine That h. e. actio hominis vel ommissio ejus quæ se exserit extrinsecus, verba sunt Magnifici Dn. Præsidis

in observ. ad VVesenb. tit. d. privat. delict. n. 3. ibi, ceterum delictum &c. Non tamen factum tantum, sed turpè factum hîc requiritur, delinquere enim est spontè agere contra legem, *Aristot. 1. Rhet. c. 10. incis. 2. in fin. add. l. 41. ff. d. pæn.* Differentia Corporis delicti, & ipsius delicti, habetur in verbis *turpè factum*; Corpus enim delicti non tam est turpè factum quam turpis facti existentia: Cœtera verba *contra leges Reipublica* elegantissimè explicat Magnif. Dn. Præses *all. loc.* quorsum lectorem remittimus.

II.

Dividitur Delictum in Publicum & Privatum. Publicum est, quod lege aliqua publica nominatim vindicatur. Privatum, quod provenit ex injuria privato illata, nec legibus publicorum judiciorum vindicatur, Magnif. Dn. Præses *all. loc.* Ad delicta privata referimus etiam crimina extraordinaria, quæ scilicet extraordinem accusantur, pœnâ arbitrio judicis irrogandâ *l. fin. ff. d. priv. delict. l. ult. ff. de furt.* Hæc enim privata sunt *l. 3. ff. d. extraord. crimin.* non publica, quia non vindicantur lege publicorum judiciorum eorumque accusatio non cuivis è populo, sed ijs duntaxat competit ad quos ea res vel injuria pertinet, *d. l. 3. l. 2. ff. d. concussion. l. 2. d. abig. l. 3. ff. de pravar. d. l. fin. d. furt. l. 1. C. d. crimin. stellion. l. 4. ff. expil. hered. Add. Anton. Gomez. 3. resolut. 1. num. 9.* Magnific. Dn. Præsid. sæpè *all. loc. verb.* Ordinaria, Dn. VVissenbach. *ad pand. part. 2. disp. 29. th. 1. & 2.* Hæc de delictis nunc dixisse sufficiat, uberiores enim de ijs tractationem vide apud allegatt. DD. Pergimus nunc ad corporis delicti divisionem.

IX.

Existere autem vel adesse dicitur Corpus delicti dupliciter

pliciter. *Primo*, si delictum aliquo facto commissum sit. *Secundo*, si animo solo fuerit perpetratum: Tot enim modis delictum committitur. Illud est facti vel permanentis, vel transeuntis. Delictum facti permanentis est, quod vestigia & signa post se relinquit, quæ sunt homicidium, parricidium, stuprum virgini illatum, furtum cum fractura, falsificatio monetæ, incendium & similia. Delictum transeuntis facti est, quod vestigia post se relinquit nulla, ut sunt adulterium & alij coitus qui sine fractura committuntur, furtum pariter sine fractura, percussiones quæ fiunt alapa vel baculo sine livore, injuriæ verbales & id genus alia. Conjunge *Clarum § fin. præf. crim. quæst. 4. n. 3. Tranquill. Ambrosin. process. inform. lib. 1. c. 4. & 5. Carpz. pr. crim. p. 3. quæst. 108. item. p. 1 q. 16. n. 4. 5. Brunnem. de Inquis. cap. 7. n. 6.* Ad delicta quæ diximus etiam solo animo committi DD. referunt Hæresin, *vid. Clar. all. loc. Tranq. Ambrosin. cit. cap. item Ioan. Nicol. Arelatanum in tr. de hereticis notab. 11 n. 2.* Tum quoque Magiam, quatenus magi pactum cum dæmone habent, nec tamen hominibus vel jumentis damnum aliquod intulerunt, *Zieritz. ad all. ars. 6. 54. & 55. P. 2. D.*

X.

Hæc de corpore delicti existente ex delicto vero & certo. Existit autem illud nonnunquam ex eo quod est indifferens: Delicta enim aliquando se habent ad figuram non delictorum, possuntque venire aut facto hominis, & sic cum scelere, ut dicit *tex. l. 1. §. 24. ff. d. Scito Syllan.* aut etiam naturæ & sic sine scelere. Etenim non rarò ambigitur an per scelus aut dolum aliquid factum sit, nec ne. Exemplum est in homine qui suffocatus reperitur,

peritur, quod ex Bossio *tit. d. delict. n. 10.* allegat Farinae.
d. inquis. q. 2. n. 29. Potest namque esse quod ab alio fue-
 rit suffocatus, & quod ex se, vel corporis infirmitate &
 morte subitanea se suffocaverit. Clarus §. *fin. pr. crimin.*
q. 4. n. fin. adducit exemplum de eo, qui repertus est mor-
 tuus in puteo, potest enim esse, quod quis se ipsum præ-
 cipitaverit & quod ab alijs præcipitatus fuerit, & quod
 casu ceciderit. Sic quoque de homine veneno interfecto
 aliquando dubitari solet, an sibi ipsi venenum propina-
 verit, an verò ab alijs propinatum ignorans exhausserit,
 vel an veneno ingenito mortuus sit, *vid. Dn. Brunnem-*
d. inquis. c. 7. num. 12. & 15. Tranq. Ambrosin. d. process. in-
form. lib. 1. c. 1. n. 14.

XI.

Hiscæ nunc præmissis, progredimur ad quæstionem
 inter Criminalistas, quos dicunt, sic satis agitatam. *An*
nimirum Judici de corpore delicti prius constare debeat, an-
æquam de eo iudicium instituat? Quod ipsum omninò af-
 firmamus *per text. l. 1. §. 24. l. 5. §. 2. ff. d. Scto Syllan. & l. 1.*
C. ubi caus. fiscal. agan. l. 23. §. fin. ff. ad L. Aquil. l. 1. §. fin.
ff. d. quæst. Prosp. Farin. d. l. q. 1. n. 6. Dn. Carpzov. all.
loc. p. 5. q. 108. Tranq. Ambr. cit. tr. lib. 1. c. 1. num. 3. & 4.
Clar. all. §. fin. q. 4. n. 1. & seqq. Ludov. Gilhaus. arbor.
judic. crimin. c. 7. n. 1. & 2. Anton. Gomez. tit. d. captur.
reor. n. 1. ubi dicit hoc ipsum esse capitale fundamentum
 totius iudicij, add. quoque Brunor. à Sole, *consil. crim.*
n. 13. Marc. Anton. Blanc. de indic. n. 15, alios. Elegan-
 tes etiam in hanc rem habentur textus in constit. Caro-
 lina *art. 54. 55. item art. 6. in verb.* dazu sol auch ein jeder
 Richter 2c. & *art. 8. in pr.* So die Missethat einer todes-
 straffe halber findig. Imò, hanc opinionem commu-

nem & certam esse, nec aliquem ab ea dissentire tradit Farinac. *all. loc. q. 2. n. 3.* Jung. D. Christoph. Crusium. *de indic. del. p. 4. c. 2. per tot.*

XII.

Rationem hujus asserti Bossius *in tit. d. delict. n. 26.* hanc reddit: Quod scilicet regulare sit in qualibet materia, quâ de lex disponit aliquid respectu certæ rei, ut de eo prius constet. Perinde ut testamenti militaris privilegium non obtinet, nisi ubi constet militem testamentum fecisse, *l. 24. ff. d. testam. milit.* Præstationes item ex contractu nullæ sunt, nisi constet de substantia contractus. Tum quoque qui vult probare qualitatem, debet prius probare substantiam in qua illa qualitas fundatur, *gloss. in l. 28. ff. d. probat. arg. l. 66. §. 4. de fact.* Et hanc pariter rationem posuit quoque Anton. Gomez. *all. loc. n. 1.* ubi plura in proposito adducit concordantia jura, add. Brunor. à Sole *d. l. n. 13.* Carpzovius verò *p. 2. dec. 197.* rationem hanc ponit, quod non sit in potestate delinquentis sua confessione (quam fortè fecit judici) facere delictum ubi nullum est delictum.

XIII.

Verum enim verò rectius facere videbimur, si hujus rei rationem nonnihil altius repetamus. Ponimus autem duplicem. *Primo Generalem*, quâ secundum principia prudentiæ judiciariæ, non potest dijudicari controversia & sententia proferri, nisi constet de facto: Unde Aristot. *1. Rhetor. 1. incif. 11.* eleganter sanè dicit, *Contraversantis nullum aliud munus est quàm ut ostendat, id quod agitur, aut esse, aut non esse; aut factum esse aut non esse.* *Sine autem magnum aut parvum, justum an injustum, quatenus id legislator non definivit, ipsam videlicet judicem cognoscere ac judicare oportet.*

XIV. Quæ

XIV.

Quæstio enim de delicto prima & principalis est, an factum sit, altera, an jure. Hæc inde juris dicitur & juxta Rhetores, Status finitivi vel juredicialis est; Illa facti & Status conjecturalis. Solet namque reus aut (1) factum ipsum in litis contestatione simpliciter & absolute inficiari, aut (2) jure se fecisse dicit, v. gr. occidisse ad defensionem, aut (3) opponit aliquid quo factum excusat, suamque innocentiam purgare intendit; Idque juxta cautelam *l. p. C. de except.* & Aristot. in *Rhetor. ad Alex. Reg. c. 5.* cujus verba sunt hæc. *Defendendi species tribus præceptis constat: Aut enim (1) defensori ostendendum est nihil eorum quorum accusatur patravisse: Aut, (2) si cogatur fateri, enitendum est ut gestum à se negotium, & legitimum & justum, & honestum & publica utilitati usui esse ostendat. Si autem hoc ostendere nequiverit (3) aut in imprudentiam aut in fortunam gesta negocia conferens, aut jacturas ab his profectas quàm minimas ostendens, ut sibi ignoscatur operam dabit, &c. add. c. 8. in fin. & seqq.*

XV.

Hinc dicitur jus in causa positum, *l. 52. §. 2. ff. ad L. Aquil.* ibi: *respondi in causa jus esse positum* i. e. in facto ipso cum quo jus est implicitum, ut vult Gloss. *add. l. lit. y.* vel, in causa positum idem est quod jus in facto & facti cognitione ejusque circumstantiis positum, *Gothofr. ad eand. legem.* Multum namque refert in his quid actum sit, *arg. l. 28. ff. d. acquir. poss.* Obejus enim defectum jus applicari non potest, non, quod hoc, sed quod probatio, adeoque factum ipsum deficiat, *l. 30. ff. d. testam. tutel.* Legum namque civilium explicatio & applicatio, pro variarum rerum usu & diversitate circumstantiarum (quæ

totum variant jus) facienda est: Jus enim applicari debet circumstantijs facti, *vid. Rittershusius expos. Novell. part. 6. cap. 10. n. 1.*

XVI.

Secundo Specialem adsertionis nostræ rationem dicimus pendere ex principijs justi & injusti, quod finis iudici sit punitio delinquentis, & iusta inter pœnam & delictum proportio, *vid. l. 31. ff. ad L. Cornel. de fals. l. 41. ff. d. pœn. add. l. 11. pr. eod. l. 138. pr. ff. d. R. I. add. tex. c. 5. d. pœn. in 6. Dn. Struven in Syntagm. jurispr. exerc. 1. th. 30. ibiq. allegatos.* Si ergò iudex puniet ubi non constat de corpore delicti, vel innocentem opprimet, vel nocentem dimittet; Idem dicendum, si incertus commissi delicti inquisiverit contra certam personam eamque capi aut torqueri iusserit. Hanc quoque rationem animadvertisse censeatur post Damhouderium Matth. Stephani *ad art. 54. Const. Carol.*

XVII.

Et verò Magistratus & iudices cujuscunque generis delicta investigare, & delinquentes undique conquirere eosque legitimis coercere pœnis debent *l. 13. pr. ff. d. offic. presid. l. 2. in fin. C. de commerc. & mercat.* quibus adstipulatur Sacra Scriptura. *Nam. 35. Deut. 17. Rom. 13.* Flagitat hoc insuper utilitas Reipublicæ, cujus cura magistratui commissa est, *l. 3. ff. d. offic. pref. vigil.* Nisi enim delicta punirentur & delinquendi audacia coerceretur, paulatim Respublica, malis hominibus repleta pessundaretur & funditus deleteretur, id quod Cajus non obscure indicat in *l. 70. §. fin. ff. d. fidejuss.* *Pœnas* enim ait *ob maleficia solvimagnaratio suadet.* Hinc Cicero *de natur. Deor.* rectè dicit; Nulla domus nec Respubl. stare potest, si in ea
nec

nec rectè factis præmia existent, nec supplicia peccatis:
add. *Senec. de Clement. lib. 2. c. 22. & lib. 1. de Ira. c. 16. t. 1.*
§. 1. ff. d. iust. & jur.

XIIX.

Hicce sufficienter demonstratum esse putamus iudici de commissio delicto prius constare debere. Proximum est, ut ostendamus qualiter & quomodo ipsi constare debeat. Hic verò interpp. non conveniunt, satis quoque intricatè de hac re loquuntur nimiumque se involvunt, uti rectè dicit *Clarus sep. all. loc. q. 4. n. 1.* Ut plurimum enim indagacionem corporis delicti ad inquirendū, cum certitudine ejusdem quoad condemnandum confundunt, *Carpzov. supr. d. l. p. 3. q. 108. n. 7.* Quæ tamen ab invicem benè & accuratè sunt distinguenda.

XIX.

Primò autem dicimus de delicto constare in genere quando id manifestum sit, investigatum apparet, da die *Thar erkündiget.* Fit autem hoc dupliciter, ad sensum & ad intellectum. Ad sensum, quando sensus fidem delicti facit; ut, cum apparet de facto ex inspectione v. c. vulnerati aut cadaveris occisi, vel ubi per testes, qui de visu testantur: vid. *Thom. Meitzger. de captur. reor. tb. 15.* Ad intellectum constat de existentia delicti per ratiocinationem & argumenta, scilicet, ut *JCr*i loquuntur, per indicia, conjecturas, probabiliter, præsumtivè.

XX.

Deinde aliter de delicto ejusve qualitate constare debet ad inquirendum: aliter ad capturam decernendam: aliter ad torturam: & denique aliter ad condemnandum, vid. *l. 1. §. 24. l. 5. §. 2. ff. d. Scito Sylam. l. 1. C. ubi caus. fiscal. ag. l. 23. §. fin. ff. ad L. Aquil. l. 1. §. fin. ff.*

d. quæstion. add. Brunnem. cit. tr. c. 7. n. 5. Carpzov. p. 2. decis. 197. id. pr. crim. p. 3. q. 108. num. 7. Clar. d. q. 4. n. 2. item q. 64. n. 3. & q. 66. cir. pr.

XXI.

Inquisitorium processum sive inquisitionem quod attinet, sunt qui jure illam institui pernegant. Alij jure Canonico illam concessam esse quidem dicunt, de jure verò civili tantum abest concedant hoc, ut etiam contra hoc tanquam pro aris & focis disputent. Nonnulli certis tantum in casibus illam admittunt, *vid. gloss. & Dd. in l. 6. §. 2. ff. d. muner. & honor.* Sed, Processum inquisitorium omni jure licitum non modo, verùm mandatum etiam & magistratui eundem injunctum esse firmiter statuimus, cum Dn. Brunnem. *all. tr. c. 1. num. 3. Valent. Voltzio de inquis. n. 55. 72. & 98. cui addi potest Salicet. ad l. ea quidem 7. C. d. accusat. & Carpz. pr. crim. p. 3. q. 103.* Quod enim jus divinum concernit, probatur hoc ex Deut. *c. 13. vers. 12. & seq. item c. 17. vers. 4.* Prout etiam singularis processus inquisitorius describitur in lib. Josuæ *c. 7.* De Jure Canonico illud manifestum est ex *c. qualiter & quando 24. X. d. accusat. & passim tot. cod. tit. add. c. 1. X. d. offic. jud. ordin.*

XXII.

Maximus dissensus est hæc in parte de jure civili. Sed de hoc non minus affirmativam ut statuamus, faciunt clari textus in Nov. *128. c. 21. l. 13. ff. d. offic. presid. l. 1. C. d. custod. reor. l. 4. §. 1. ff. ad L. Jul. pecul. & l. 7. C. d. accusat.* in quâ expressè dicitur Magistratibus licere apparitores & officiales habere, qui maleficia inquirent & denuncient, ac subinde in eos animadvertant quos deliquisse compererint, qui denunciatores appellantur in

l. 6. §. 3.

l. 6. §. 3. ff. ad Sctum Turpil. item Irenarchæ l. 6. ff. d. custod. reor. vid. Wesemb. ad tit. d. accusat. n. 2. Magnific. Dn. Præsidem in observ. ibid. Anton. Matthæi in sr. d. crimin. ad lib. 48. Dig. tit. 20. cap. 1. n. 3. Bocerum class. 6. D. 38. n. 42. Zanger. de quest. & tort. reor. in proam. num. 21. & seqq. Denique de jure nostro Germanico nullum est dubium, propter art. 8. 214. 219. & passim in Const. Carolin. De consuetudine quoque res est certissima, vid. Dn. Brunnem. all. loc. t. 1. n. 9. & seqq. ubi plurimas ampliationes subjungit.

XXIII.

Inquisitio (quæ publicæ sollicitudinis cura dicitur in *l. 1. pr. C. d. custod. reor.*) secundum *Farin. d. inquis. q. 1. n. 3.* est delicti informatio judicis officio & autoritate facta. Sive, Inquisitio est legitima judicis ex officio procedentis super delicto informatio, Dn. Brunnem. *all. sr. c. 1. n. 2.* Inquirere enim nihil aliud est, quàm informationes super delicto sumere: Cum enim judicis officium sit, nullo existente auctore ratione officij in delinquentes reos animadvertere, *d. l. 13. pr. ff. d. off. pr. & s. l. 1. C. de custod. reor.* Hoc verò, uti ex superioribus notum, judex facere non possit, nisi ipsi constet de corpore delicti ejusque notitiam habeat. Ideò, ut eandem acquirat, informationes super delicto commisso sumere debet, & hoc uno verbo idem est quod inquirere, *vid. Clar. pr. crim. §. fin. q. 3. n. 2. add. Carpzov. p. 3. q. 107. n. 5.*

XXIV.

Divisio Inquisitionis apud Dd. non est una & eadem, vid. *Carpzov. all. loc. num. 6.* Nos missis Dd. altercationibus hîc sequimur in schola & foro receptam divisionem, & dicimus, Inquisitionem esse duplicem, Generalem & Specialem, *Emeric. à Rosbach in process. crim. tit. 1.*

tit. 1. c. 12. n. 9. *Farin. all. loc. n. 4. & 9. Carpzov. d. l. n. 9. Valentin. Voluz. d. inquis. n. 49.* Generalissima enim, uti illam Dd. vocant, nomen inquisitionis per se & absolute non meretur; quia pars est inquisitionis generalis, *vid. Dn. Brunnem. d. tr. c. 2. n. fin.*

XXV.

Generalis Inquisitio est, quam instituit iudex ad cognoscendum an delictum revera commissum sit, & quisnam illud commiserit, desuper generales informationes assumendo, *vid. Farin. de inquisit. q. 1. & post illum Carpz. sep. all. tr. p. 3. q. 107.* vel, Generalis inquisitio est, quæ instituitur ad id, ut sciatur an delictum verè sit commissum & à quo, *Dn. Brunnem. supè laudato tr. c. 2. n. 2.* Instituitur enim hæc inquisitio super ipsum factum, personas, famam aliasque circumstantias & qualitates in genere; adeoque præparatoria est ad inveniendum delictum & delicti authorem de quo Curia certam nondum habet notitiam, *Anton. Matthæi all. tr. d. crimin. ad lib. 48. Dig. tit. 20. cap. 2. num. 6.*

XXVI.

Specialis inquisitio fit per iudicem contra particularem personam de cujus delicto curia notitiam jam accepit, vel quâ in delicti modum & authorem, personam certam inquisitione generali suspicionibus gravatam in specie iudex inquirat, *Clar. lib. 5. sent. §. fin. q. 5. num. 5. Carpzov. all. loc.* Brevius eandem describit Dn. Brunnem. *d. l.* Inquisitio specialis est, quæ instituitur adversus certam personam, ob delictum, de quo, quod commissum sit ex generali inquisitione apparet. Etenim, si ex inquisitione generali iudex tum de delicto, tum etiam de authore ejusdem aliquam consequutus est notitiam, solet

solet adversus illam personam singulariter & in specie inquirere,, ne maleficium ei sit impunitum. Et hæc est illa, quam nunc specialem vocavimus, appellatur etiam solennis & ordinaria ad maleficium puniendum comparata, Dn. Carpzov. *all. loc. n. 13.*

XXVII.

Quemadmodum autem res aliqua in iudicium deducta, aliquando liquidè & plenè probari debet, aliquando autem sufficit si eadem per indicia & conjecturas demonstratur, Mascard. *de probat. lib. 2. concl. 830. num. 5.* Eodem modo de Corpore delicti nonnunquam certò & plenariè iudici constare debet, nonnunquam ejusdem minus plena probatio sufficit, per indicia scilicet probabilia: sunt enim indicia alia certa & indubitata, alia verisimilia & probabilia, *l. 19. C. d. rei vind. l. fin. C. de probat. l. 8. §. 1. C. d. question. add. th. prac. 19.* Quò itaque majoris præjudicii est actus aliquis ipsius iudicis, eò etiam majora & graviora indicia requirit.

XXIX.

Generalis ergo inquisitio, cum, uti dictum, tantum instituat ut certò sciamus an delictum verè sit commissum & à quò; adeoque in genere saltem de delicto ejusque authore agatur neminem nominando, ad nullius injuriam spectare videtur, Clar. *pr. crim. §. fin. q. 6. n. 4.* Ideò ad hanc instituendam *probabilis & summaria cognitio* de corpore delicti ejusque circumstantijs sufficit. Hinc, si per modicam famam & rumorem ad iudicis alicujus aures perveniat, aut etiam eidem à quoquam denunciatur, v. gr. hominem quempiam interitum & occisum in hoc vel illo loco jacere, omninò via ipsi aperta est ad hanc generalem inquisitionem instituendam,

dam, vid. Clar. *all. loc. q. 4. n. 2. Farin. de inquisit. q. 1. n. 47. & seq. Anthon. Matthai tr. de criminibus ad lib. 48. Dig. tit. 20. cap. 2. n. 6. Carpzov. d. l. p. 3. q. 108. n. 2. & 10. Brunnem. d. tr. c. 4. n. 4. & 15. add. Conslit. Crimin. art. 6. ibi: durch gemeinen Leumuhß berüchtiget &c. Quinimò, si hòc modo de Corpore delicti constar, tenetur judex procedere & inquirere in famæ veritatem & certitudinem ipsius delicti, aliàs enim colludere cum delinquentibus illorumque facta approbare videbitur, *l. 13. pr. ff. d. offic. prasid. l. 2. in fin. C. de commerc. & mercat.**

XXIX.

Pleniorem verò Corporis delicti cognitionem requirit Inquisitio specialis: Hæc enim nonnihil inquisiti existimationem minuere videtur, secundum Menochium *de presumption. lib. 1. pras. 88. n. 9. & 10. Cothman. vol. 3. resp. 30. n. 155. Carpzov. all. loc. n. 62.* Adeoque non ita facile & incautè ad eam judex accedere debet, ne destituta legitimis indicijs invalida declaretur, *Farin. all. loc. q. 1. n. 40.*

XXX.

Nos, secundum propositam *in th. 9.* divisionem, dicimus. Si delictum commissum *facti est permanentis*, tunc de eodem liquidè constare debet, ad hoc, ut inquisitio specialis locum habeat. Liquidè verò constare dicitur, si de eo constet ad sensum, vel per testes vel per evidentiam facti, *Farin. all. loc. q. 2. n. 6. v. gr. Si cadaver occisi, locus incendij, vulnera & fractura oculis subjiciantur*, vid. Tranq. Ambrosin. *in process. in form. lib. 1. c. 1. n. 4. & 7. Clar. pr. crim. §. f. q. 4. n. 4. Brunnem. cit. sr. c. 7. n. 6. & 7. Carpzov. d. p. 3. q. 108. n. 1.*

XXXI. Ne.

XXXI.

Neque tamen hoc ita simpliciter dictum volumus, quasi scilicet in delictis facti permanentis nunquam Inquisitioni speciali locus sit, nisi ipsum delicti corpus seu actus essendi (quo delictum est) oculis subjiatur. Eo enim modo perquam multa delicta manerent impunita, cum sic fontes facile pœnam effugere possent, videlicet Corpus occisum in aquam projiciendo vel illud ipsum sepeliendo aut alio modo occultando, uti etiam sæpissimè contingit, *Carpzov. pr. crim. p. 3. q. 108. n. 12.*

XXXII.

Hoc itaque & similibus casibus satis est, si per conjecturas & verisimilia indicia de Corpore delicti constet. V. gr. Si qua mulier de fornicatione suspecta, & ante hac cum intumesciente ventre visa, nocturno tempore aliquid in profluentem aquam projecisse deprehensa sit: Ibi sufficit per conjecturas constare de Corpore delicti ad hoc ut dicta inquisitio procedere possit, *vid. Carpzov. all. loc. Brunn. d. tr. c. 7. num. 9.*

XXXIII.

Si autem delictum facti est *transientis*, utpote in quo existentia facti vel delicti corpus certò investigari nequit, tunc simili modo sufficit, si de eodem per conjecturas constet, *arg. art. 60. constit. Carol.* Ratio generaliter est, quod in delictis ejusmodi & occultis quæque difficilis sunt probationis, præsumptiva & conjecturata probatio habeatur pro plena & concludenti, ut post Bald. in l. quicumq. 4. C. d. serv. fugitiv. statuit Farinac. *all. loc. q. 2. num. 12. & 13.* ubi etiam hanc opinionem generalem & communem esse dicit. Quod secundum Clarum *pr. crim. §. f. q. 4. n. 3.* obtinet etiam in delictis quæ solo

animo perficiuntur, add. Mascard. de probat. concl. 330. n. 4. & seqq. Ludov. Gilhaus. arbor. judic. crim. c. 6. Cæterum ut diximus, constare debere de delicti actualitate ante inquisitionem, ita necesse quoque est ut constet ante accusationem, cum hæ æquipollere videantur, Aegidius Bossius pract. crim. tit. d. delict. n. 1. 2. 3. 4. 5. & fin. idem, tit. de tortur. accusator. n. 5.

XXXIV.

Non possum verò non hic subicere commodum exemplum cujus meminit Hippolytus de Marfilis, præstans Jctus, in pract. crim. §. principium num 6. & seqq. quod magnam partem declararet ea quæ de existentia turpis facti per conjecturas diximus, idque verbis dicti Doctoris licet minus elegantibus.

XXXV.

Quidam scholaris, ait, forensis reversus à patria sua portavit certam quantitatem pecuniarum, ut communiter faciunt scholares forenses, & dictas pecunias posuit in quadam ejus capsâ in camera sua, existente in domo cujusdam Viri, cum quo incepit stare ad doctrinam, & una die dum iste scholaris esset extra domum, vel ad scholas, vel alibi, cum quadam clave adulterina fuit aperta ejus camera, & similiter ejus capsâ, & fuerunt furatæ & asportatæ prædictæ ejus pecuniæ. Postea verò fuit clausa capsâ, & camera, adeo quod non poterat apparere de violentia, nec de aliqua fractura, nec de aliquo furto. Ipse autem scholaris una die volens accipere aliquas pecunias, reperit illas fuisse furto subtractas, & statim de hoc conquestus est cum socijs suis, & cum amicis, & cum alijs personis. Qui scholaris accessit ad Potestatem, & fecit ejus querelam,

lam, & ab ea petiit, ut deberet procedere de tali furto contra dominum domus, in qua morabatur, quem habebat suspectum, & contra quem erant nonnulla indicia. Qui potestas vocari fecit dictum dominum domus, & cum incepit interrogare super dicto furto, sed dominus domus primo, & ante omnia dixit, quod aliquod furtum non fuerat factum dicto scholari, nec modo aliquo constabat de tali furto, ideo ipse, nec alius debebat vexari, molestari, nec inquietari pro dicto asserto furto. Iste autem scholaris non poterat probare tale furtum fuisse commissum. Quarebatur quomodo hoc casu possit succurri dicto scholari? In quo ego consultus, dixi, quod licet non posset plenè, nec directè probari dictum furtum fuisse commissum, tamen poterat quoad inquirendum satis hoc probari ex conjecturis & præsumptionibus. Nam furtum probatur ex conjecturis &c. Sed in dicto casu concurrunt plures conjecturæ, quod dictum furtum fuerit factum dicto scholari, ut statim ostendam: ergo dictum furtum dicitur esse probatum. Quod autem adsint conjecturæ dicti furti patet. Nam statim quod ipse scholaris vidit suas pecunias non adesse, sed exportatas fuisse, de hoc *conquestus* est cum socijs & amicis suis, & hæc affirmabant dicti socij & ejus amici: ergo hæc est una conjectura dicti furti commissi, per quam probatur ipsum furtum. Alia etiam concurret conjectura dicti furti, videlicet, *bonitas & legalitas* & honesta vita in tempus præteritum dicti scholaris, & ego sequens consilium Alexand. quod ipse dat in consil. suo 53. incip. viso themate in 2. volum. fieri feci capitulum super bonitate, & legalitate dicti scholaris & super illo teci examinare testes: qui deposuerunt dictum schola-

rēm fuisse, & esse hominem probum, & morigeratum;
bonæ conditionis, vitæ & famæ, ac conscientiæ, & non
solitū mentiri in aliquo. Ex quibus testibus resultat præ-
sumtio & conjectura præstans justā & juridicam causam
judici credendi dicto scholari dictas pecunias fuisse sibi
furto sublatas. Nam clarum est in jure quod credendum
est bono viro &c. Et ex prædictis in casu dicti scholaris
dixi, quod ex dictis præsumptionibus & conjecturis erat
probatum furtum fuisse commissum. Et tanto magis
per dictas conjecturas potest dici probatum esse dictum
furtum, quia in tali probatione *non tractatur de præjudi-
cio alicujus*: quia an sit probatum furtum nec ne in ge-
nere & non specialiter per aliquem, hoc non facit alicui
præjudicium; ut de se patet. Concorrebat etiam alia
ratio in casu dicti Scholaris, quod probatum esset dictum
furtum fuisse commissum & perpetratum. Nam furta
communiter *clam & occultè* committuntur, ut omnibus
notum est. Sed ubi tractatur de probando clandestina,
& occulta & illa quæ sunt difficilis probationis, ut est
furtum: admittitur probatio per conjecturas, &c. Et sic
ex istis omnibus in casu dicti scholaris Potestas habuit
dictum furtum pro probato, & processit ad ulteriora ad
favorem dicti scholaris, adeò quod ipse recuperavit
magnam partem pecuniarum suarum à prædicto domi-
no domus, & hoc per intermissam personam cujusdam
religiosi, qui sibi portavit tales pecunias, & rogavit di-
ctum scholarem, ut non vellet ulterius quærere & ita
quievit dictus scholaris. Hæc Marsilius.

XXXVI.

Cæterum, Inquisitio specialis, cum commodè insti-
tui non possit nisi reo præsentē, ideò opus omninò est
citati-

citatione, absens enim damnari nequit *l. 5. pr. ff. d. pæn. l. 6. C. d. accusat.* Citatio autem duplex est Realis & Verbalis, Wesenb. *ad tit. de in jus voc. num. 13.* adeoque benè ponderandum utra adhibenda sit: Aliquando enim verbalis citatio sufficit, nonnunquam tamen, ne quis fugiendo præsentiam suam subtrahat, ac inquisitorium processum elusorium reddat, citatio realis requiritur.

XXXVII.

Cautè tamen ac prudenter iudex agere debet, ne contra accusatum vel inquisitum ad citationem realem eoque ipso ad incarcerationem nimium festinet: Mala enim mansio carcer est, *arg. l. 2. C. d. custod. reor. l. 23. C. d. pæn.* Dn. Caspar. Manzius *ad const. Carolin. art. 11. n. 9.* Neque etiam simpliciter in omnibus delictis & singulis quoque personis est admittenda, uti verè sentit Clarus sæpe *all. §. fin. q. 28. n. 1.* Hinc sine aliquali informatione iudex ad eam devenire non potest; Quod ipsum in accusatione facilè liquet, nam, si iudex porrectâ accusatione statim absque alia informatione reum capi faceret, eò ipso in potestate cujuscunque vilis personæ constitueret carcerari facere quemlibet probum & insignem virum, uti eleganter legere est in *Constit. Carol. art. 11. item art. 218. ibi,* Item / das durch die Obrigkeit etwa leichtlich / auch ehrbare Personen / ohne bevoregehend berückigten bösen Leumuhl / und andere genugsame anzeigung angegriffen / und in Gefängniß bracht werden / und in solchem angriff etwa durch die Oberkeit gesetzwind und unbedächlich gehandelt / dadurch der angegriffene an seinen Ehren nachtheil erleidet. idem sentit Thom. Metzgerus *d. caps. reor. concl. 17.*

XXXIIX. Ap

Apparet itaque ex verbis all. art. Imperatorem vel-
le ut ejusmodi abusus, corruptelas & consuetudines qui-
libet magistratus judicijs eliminet, abroget, ac æternâ
oblivione sepeliat, ut dicit Matth. Stephani *ad d. art.*
Sufficientia ergo indicia carcerationem præcedant ne-
cesse est, cumque liquidè de actuali essentia delicti con-
stare non potest, satis est talia si adsint indicia quæ veri-
tatis colorem habeant, etsi sint leviora quam ut ex iisdem
ad torturam deveniri queat, Menoch. *de præsumt. lib. 1. præf. ss. n. 8.* Præsertim, si periculum sit in mora; ibi e-
nim à juris communis regulis receditur, *l. 5. §. 11. cum seqq. ff. d. nov. oper. nunc. Gailius 1. obs. 102. n. 6. & seqq.*

XXXIX.

Quin nihil vetat dicere, indicia de corpore delicti
ad specialiter inquirendum legitima ad capturam quo-
que esse sufficientia, *vid. supr. th. 30. & seqq. add. Thom. Mezger, de captur. reor. th. 13. & seqq.* cum hæc illius
præambulum existat, Carpzov. *all. loc. q. 111. n. 25.* In-
terim, cum in incarceratione rei judicis arbitrio non
parum sit relictum, distinguere ille omninò debet in-
ter personas delinquentes & ipsa delicta, per text. ele-
gantem *l. 1. ff. d. custod. reor.* cui concordat art. 18. Con-
stitut. Carolinæ, ibi, dieselben Sachen und Warzeichen &c.

XL.

Quocunque autem modo inquisitio formetur, in
atrocioribus, capitalibus & poenam corporis afflictivam
inferentibus criminibus eruendis quaestio sive tortura
adhiberi solet, *t. 8. pr. & ibi Dd ff. d. quaest. Franc. Bruno tr. de indic. & tort. par. 2. q. 3. Anton Gomez. tom 3. resol. cap. 13. v. 2. Farin. lib. 1. prax. crim. tit. 5. quaest. 42. n. 3. 69. & seqq.*

& seqq. Clar. d. §. fin. q. 84. n. 4. Magnif. Dn. Præf. in
obferv. ad Vrefenb. tit. de quaft. n. 2. & 5. Diximus qua-
ftio five tortura, hisce enim vocabulis promifcuè utimur,
prout etiam communi loquendi ufu confunduntur; cum
quaftio germanis fignificet die peinliche Frag / oder
fcharffe Frage. Interim non diffitemur, propriè lo-
quendo hæc diffetere, quod tortura pars quædam qua-
ftionis effe videatur ipfeque actus torquendi, quaftio au-
tem fit interrogatio rei, Henr. Bocer. de quaft. & tortur.
cap. 1. n. 12.

XL I.

An verò tortura ex jure gentium fit uti ftatuit
Wefenb. ad tit. de quaft. n. 3. non quidem affirmamus,
vid. Bachov. in not. ad Vrefenb. d. l. Interim iuftum &
Reipub. utile medium effe veritatem quaerendi à fcele-
ratis, ubi alia media non fufficiunt, omninò ftatuimus,
cum Magnif. Dn. Præf. in obf. all. tit. n. 2. add. Gomez.
tom. 3. refol. c. 13. n. 1.

XL II.

Verùm cum fubfidiarium tantum fit remedium
tortura, patet, quod ab illa non fit incipiendum, l. 1. pr.
ff. d. quaft. fed tum demum ad illam confugiendum
quando veritas aliter haberi non poteft, l. 10. d. 2. l. 12. C.
eod. Clar. all. loc. n. 5. & 9. Hinc Gandinus in tr. malefi-
cior. tit. d. quaftion. & tort. in pr. dicit, Judicem qui de
aliquo quaftionem habere intendit, maximè hoc con-
fiderare debere, ut non facilè nec repentè ad eam pro-
cedat, fialiqua alia leviori via objecti criminis veritas
haberi poffit, add. Ambertum de Antramonia de quaft.
& tortur. n. 1. Fragilis enim res eft tortura & pericu-
lofa, & qua veritatem fallat l. 1. §. 23. ff. d. quaft. neque

etiam semper & in omni persona & causa est admittenda l. 1. §. 3. & seqq. l. 8. ff. d. 1. add. art. 8. Const. Carol. ibi: Die Leib oder Lebensstraffe auff sich haben / Vid. Magnif. Dn. Præf. all. loc. n. 5.

XLIII.

Liquet inde, gravem & maximè præjudicalem esse torturæ actum, res etenim dira est, corporibusque hominum admodum noxia & quandoque lethalis & morte ipsâ durior, ut dicit Weseñb. tit. de quest. n. 5. Adeoque arg. c. 3. pr. de elect. & electi potest. in 6. cautius agendum. Hinc illud, quod in antecedentibus desideravimus hic multo magis requirimus, nimirum, quod delictum ipsum prius existere debeat, antequam ad torturam perveniatur: Illud namque non æquitas solum, sed & ipsum jus scriptum expressè postulat, vid. l. 1. §. 24. ff. ad Scutum Syllan. Communis quoque suffragatur Dd. sententia, vid. Clar. all. §. f. q. 64. n. 3. Farin. de inquis. q. 2. n. 3. Franc. Brun. de indic. par. 2. q. 5. n. 8. Boss. tit. d. delict. n. 14. Tranq. Ambros. all. tr. lib. 4. c. 1. n. 17. & seqq. Magnif. Dn. Præf. in obs. ad V Weseñb. d. 1. n. 2. Carpz. par. 2. decis. 197. n. 9. alios.

XLIV.

Non tamen hîc cum Claro, Farin. alijsque per omnia facimus; qui putant ad torturam nunquam esse deveniendum, nisi prius delicti corpus hominum oculis judicisque aspectui subjiciatur. Hoc enim, etsi cate-nus, quatenus judex eriminis veritatem per evidentiam facti facilimè assequi potest concedi possit, simpliciter tamen & absolutè non est verum.

XLV.

Etenim Carolino jure nostro non alia requiritur cognitio

gnitio commissi delicti, quàm quæ pro ratione ipsius delicti aliarumq; circumstantiarum, temporis scilicet, loci, causæ, qualitatis, quantitatis &c. *arg. l. 16. ff. de pæn.* haberi potest, vid. expressum textum *P. H. D. art. 6.* ibi: dazu sol auch ein jeder Richter/ in diesen grossen Sachen/ vor der peinlichen Frage/ so viel möglich und nach gestalt und gelegenheit einer jeden Sache geschehen kan/ sich erkündigen.

XLVI.

Dicimus itaq; si delictum facti est permanentis, tum de ejus existentia liquidè & evidenter constare debet, scilicet quatenus eam habere possibile est, *jung. th. prac. 30.* Magnif. Dn. *Præf. all. loc. n. s.* Si verò transeuntis est facti, vel occultum, quodque difficilis est probationis, *add. th. prac. 33.* tum sufficit si de eodem constet per probabiles conjecturas.

XLVII.

Cum enim Reus ex solis indicijs & præsumptionibus nonnunquam in pœnam extraordinariam carceris, aut pecuniariam, aut etiam fustigationis & relegationis condemnari possit, etsi crimen non sit confessus; uti ipsi *supr. all. Dd.* concedunt, cur tortura locum non habeat, si per probabiles conjecturas de commisso delicto constet, cum etiam illa locum habeat in casibus quibus infertur pœna corporis afflictiva, *vid. th. 38.*

XLIX.

Imò, quo minus dubitemus, facit clarus & expressus textus in *Nemese Carol. art. 8.* ibi: So die misse that einer todes straff halber kündig/ oder aber deswegen redliche anzeigung/ wie davon zuvor gemeld/ erfunden würden/ so sol der peinlichen Frage und aller erkündigung halber/ so zu erfundung der Wahrheit dienstlich ist zc. gehalten werden.

verden. Non diffitemur tamen, priorem sententiam de jure veteri subsistere posse

XLIX.

Sequitur tandem, ut etiam videamus quomodo constare debeat de Corpore delicti ad Condemnandum. Ubi, tanto major versatur difficultas quanto actus condemnandi præ reliquis, de quibus supra actum, existit periculosior. Unde tunc quam diligentissimè cuncta sunt æstimanda, *arg. l. 29. C. d. appell.* Neque justam & legitimam sententiam judicis facit alicujus confessio; Sed delictum præterea existere & judici de eodem constare debet, *P. H. D. art. 54. & 55. Clar. d. §. fin. q. 66. num. 3. Farin. q. 2. n. 7. & seqq. Matth. Stephan. ad art. 149. pr. Const. Carol.* Etenim, si sola confessio legitimis destituta indicijs ne quidem locum facit torturæ, multo minus hæc efficiet ut sententia judicis sit legitima, cum indubiè hæc majoris sit momenti.

L.

Sed, non parum controvertitur inter Dd. An delinquenti confessio & convicto mortis pœna sit irroganda antequam de corpore delicti & veritate criminis commissi liquidè & certò per testes & evidentiam facti constet; an verò ultimo supplicio etiam quis affigi possit modo per indicia & argumenta de eodem appareat.

LI.

Nos omninò putamus propter capitale delictum facti transeuntis, quodve occultum, aut difficilis est probationis non minus quem condemnari posse ad mortem si indicijs & argumentis de ejusdem veritate constet, quàm si hoc cognitum sit per testes vel evidentiam

tiam facti, *Farin. lib. 1. tit. 1. q. 2. n. 12. & seqq. adde addi-
tiones ad Clar. q. 4. §. fin. n. 1. lit. a.* Interim non quævis
indicia sufficiunt ad condemnandum reum; sed talia re-
quiruntur quæ certa sint & indubitata, *vid. th. prac. 27.
add. l. fin. C. d. probat. Anthon. Matthæi de crimin. ad lib.
48. Dig. tit. 15. c. 6. per tot.* Quod ipsum clarius patebit
si in specie de quibusdam delictis agamus & demonstre-
mus quomodo in iisdem de veritate ipsius commissi cri-
minis constare debeat, ad hoc uti iusta subsequatur ju-
dicialis sententia, Idque nunc ratio ordinis postulat.

LII.

Primum itaque videamus atrox & proli dolor fre-
quentissimum illud homicidij crimen, Gómez *var.
resol. tom. 3. c. 3. pr.* In genere autem Homicidium est
crimen ex hominis internecione. Neque enim hic
discrimen facimus qualis homo sit cæsus, liber an ser-
vus, *Exod. 21. v. 20. l. 1. §. 2. l. 11. §. 1. & 2. ff. ad L. Corn. de
Sicar. l. 23. §. 9. ff. ad L. Aquil.* Liberis enim & servis natu-
ra humana communis est *l. 12. §. fin. ff. d. accusat.* Nec
ullus est tam vilis hominis sanguis, ut non inquinet ma-
nus. Quod enim de monstroso partu dicunt Dd. in illo
non committi homicidium, concedimus eo modo si
planè nihil humanæ formæ remanserit, *l. 14. ff. d. stat.
hom. l. 38. ff. d. V. S. & ibi Cædd. l. 135. eod. tit. vid. Alph. à
Caranza de part. legit. c. 17.*

LIII.

Homicidium sumitur vel *latè* vel *strictè*. *Latè* ac-
ceptum, dividi potest in Dolosum, Culposum, Casuale
& Necessarium; hiscè enim omnibus definitio homi-
cidij comperit. *Strictè*, sumtum, denotat tantum ho-
micidium dolosum. Magnif. Dn. Præf. in obs. ad V. Vesenb.

tit. ad L. Corn. de Sicar. n. 5. circa fin. & hoc præcipuè hujus est loci.

LIV.

Ergò, si aliquis homicidij poena sit afficiendus, tunc prius de delicto commissio constare debet, Farin. q. 2. n. 6. Et non solum de delicto verum de ejusdem quoque circumstantiis, idem Far. d. l. n. 4. Ratio non obscura hæc reddi potest, quod hoc modo si judex distinctè de singulis circumstantiis sit informatus, facile possit judicare an testes super delicto examinati vera dixerint nec ne; Cum non rarò contingat testes plura deponere quàm in Corporis inspectione apparet.

LV.

Neque tamen sufficit hominem esse occisum, nisi etiam appareat illum scelere i. e. dolo interemptum, arg. l. 1. §. 2. ff. ad Sctum Syllan. Cujus gratia Boslius tit. d. delict. n. 3. & 4. casum adducit qui in arce Mediolani anno 1622. contigit, in qua in vigilia S. Petri fulgur ultra 200. viros interfecit. Illo casu quantumvis homines interempti fuerint, non tamen hoc factum est aliquo scelere, ideoque non constitit de corpore delicti.

LVI.

Si itaque homo quidam scelere interemptus inveniat, sive occisus sit sclopeto, sive hasta, gladio, ense, pugione, cultro, novaculâ, sive fuste, saxo, malleo, conto & id genus alio instrumento, non satis est uti constet de delicto commissio, sed præterea, siquidem sententia condemnatoria proferri debeat, etiam de omnibus qualitatibus & circumstantiis homicidij constare debet, l. 54. & præcipuè an occisus ex percussione aut Vulnere inflato obierit illudque lethale fuerit, vid. l. 30. §. fin. ff. ad L.

ad L. Aquil. Const. Crim. Carol. V. art. 147. & ibi Matth. Stephan. Etenim, si vulnus non sit lethale, vulneratus tamen, vel ob defectum curæ vel ob alia symptomata accedentia moriatur, quantumvis hæc ex percussione & vulneratione oriantur, efficiunt tamen hoc ut iudex ordinariam homicidij pœnam irrogare non possit, Magnif. Dn. Præs. all. loc. n. 9. in fin. Vulnerans enim ibi non est causa per se & propria occisionis, vid. Carpzov. pr. crim. p. 1. q. 26. Anton. Matth. d. crimin. ad l. 48. Dig. tit. 5. c. 3. n. 171.

LVII.

Vulnus verò lethalitatis titulum meretur, si vel ut plurimum: vel simpliciter & absolute mortem toti corpori inferre soleat, vid. Dn. Gothofr. *Welsch in judicio rationali lethal. vulner.* ubi cap. 2. Vulnus lethale sequenti modo describit, Vulnus lethale est Unitatis in parte humani Corporis vel Nobili, vel ad Vitam tamen simpliciter necessariâ, à re externa, violenter solvente continuum, inducta, & vel cum discrimine, vel ipsâ vitæ jacturâ, conjuncta solutio.

LIX.

Nobiles partes Corporis Medici vocant Cerebrum, Cor & Epar. Partes ad Vitam simpliciter necessariæ ipsi sunt Pulmones, Aspera Arteria, Diaphragma, Gula, Ventriculus, Intestina, Mesenterium, Renes & Vesica, Dn. *Welsch cit. loc. §. unde si cerebrum & g. dicuntur ergo.*

LIX.

Apparet inde, multa requiri ad hoc uti rectè de Corpore delicti constet, de quibus tamen iudex ipse iudicium ferre non possit cum suæ non sit professionis.

Consilia

Consilia itaq; Medicorum & aliena principia assumenda, quæ propria sunt Jctis per applicationem. Laudanda proinde est practica Doctorum qui suadent, ut iudex ipse vadat, aut ad minimum mittat scabinos vel assessores unâ cum Medicis ad inspiciendum cadaver, Clar. §. *fin. q. 4. n. 4.* Tranq. Ambrosin. *process. inform. lib. 1. c. 1. n. 18. & seqq.* Farin. *q. 2. n. 4. & 5.* ubi vult, ut iudex si cadaver sit sepultum illud effodi faciat, add. Carpzov. *pr. crim. p. 1. q. 26.* LX.

Imò ocularis hæc Corporis delicti inspectio in casu ubi fieri potest, expressè requiritur in *P. N. D. art. 149.* ibi: Es sol der Richter sambt zweyen Schöppen / dem Gerichts Schreiber / und einem oder mehr Wundt Arzten / so man die haben kan und solches geschehen kan / die dann zuvor beendiget werden sollen / denselbigen todten Körper vor dem Begräbnuß mit fleiß besichtigen / und alle seine empfangene Wunden / Schläge / Aufschwürffe / wie der jedes befunden und ermessent wurde / mit fleiß mercken und verzeichnen lassen. Et hæc obtinent etiam si veneno quis sit interemptus, Dn. Brunneum. *de Inquisit. c. 7. n. 15. 22. & seqq.*

LXI.

Neque de Parricidio aliud dicendum est, quod & hoc facti sit permanentis. Ideoque & hic existentia delicti certa esse debet ex cadaveris inspectione. Adcò ut si reus confessus, locum in quem cadaver projecit indicare nolit vel dubiè respondeat, sub tormentis sit interrogandus. Nec murat, quod ante torturam de delicto constare debere supradiximus. Hoc enim verum est quando adhuc in quæstione est, an ille delictum commiserit. Secus est si id confessus de circumstantijs scire nolit.

nolit. Quo casu iudex licetè vel torturam vel territio-
nem saltim decernet, habitâ circumstantiarum ratione,
propter malam præsumptionem quæ contra reum ex
confessione orta est. Addatur Carpzov, *pr. crim. p. 1. q. 16. ubi num. 12.* subjicit, in parricidio constare
de corpore delicti, modo cadaver hominis occisi o-
culis subjiçiat, licet vulnus, cicatrix aliudve signum
in eo non appareat, ex quo elucescat impias ipsi manus
illatas fuisse. Interim multò certior redditur iudex, si
etiam de ictu aut vulnere lethali appareat. Sufficit
quoque hic unus testis, si jurato dixerit se cadaver oc-
cisi hominis vidisse, modo aliud adminiculum reperti
sanguinis & rei confessio concurrant, *arg. l. maritus 20. ff. d. question.*

LXII.

Accidit aliquando ut reus confiteatur se cadaver
hominis occisi projecisse in mare, in flumen vicinum
&c. Ubi si reperiri non possit quæri solet, num ordina-
ria parricidij pœna locum habeat. Et videtur id omni-
nò negandum, quòd ob non existentiam delicti ex-
tra ordinem de eo statuendum sit, juxta Bald. *in add. ad Specul. tit. de sent. col. pen. vers. Titius.* Verùm con-
fessionem rei vallatam urgentissimis indicijs pœnæ or-
dinariæ dictitandæ sufficere censemus (1) quia parrici-
dium occultè fieri solet difficilimæque est probatio-
nis (2) conjecturæ prædictæ semiplenam faciunt pro-
bationem (accedente confessione probatio plena est,
Mascard. *de probat. l. 1. q. 13. n. 4. junct.* Farin. *lib. 1. q. 2. n. 12.*) (3) colligitur hoc ex *art. 60.* Nemesis Carolinæ,
quæ explorationem talem admittit quæ possibilis sit.
Vid. Clar. §. *fin. q. 55. n. 11. circ. fin.*

Cæterum si præter confessionem probabilia & verisimilia indicia adsint ex quibus iudex conijcere possit parricidium fuisse commissum, tutius pœna L. Cornelix, gladij scilicet, dictabitur. Si autem præter confessionem nulla prorsus indicia occurrant, vel leviuscula adsint, tutius erit imponere parricidæ pœnam arbitrariam fustigationis vel perpetuæ relegationis, jung. Hartm. Pistor. *obs* 33. & 34.

LXIV.

Homicidij species quoque est Latrocinium, eo tamen multo gravius, *auth. sed novo jure C. d. serv. fugitiv.* Jodoc. Damhoud. *prax. rer. crim. cap. 86. in pr.* Latrocinium enim est homicidium cum spolio commissum. Unde constat quomodo à Rapina differat; Raptores enim sunt illi qui homines spoliant quidem sed non interficiunt, cum latrones spolijs non contenti eisdem occidant, *vid. l. 28. §. 15. ff. d. pæn. l. 4. C. ad L. Corn. d. Sicar. c. cum homo 23. q. 5.* Germanis vocantur Mörder. Horrendum sanè est crimen, ideò horrendum & durissimum supplicium rotæ in ejusmodi delinquentes *Const. Carol. art. 130. & 137.* est sancitum.

LXV.

Non minus autem in hoc quam in præcedentibus existentia delicti certa esse debet cum singulis circumstantijs, quod hæc modo aggravent, modo etiam mitigent pœnam, *all. art. 137.* Et quamvis nemo facile credatur crimen fateri cujus non sit Reus, Hippolyt. de Marsilijs *prax. rer. crim. §. postquam. n. 5. & 6.*; Non tamen propter solam confessionem illicò quis hâc immani pœna est afficiendus, nisi præterea de delicto commissio certò constet, Carpzov. *pr. crim. p. 3. q. 108. n. 25.*

LXVI. Si

LXVI.

Si itaque iudex de delicto commissio certior factus sit, vel ex inspectione oculari, si fieri possit, *vid. th. prac. 60.*; vel per duos aut tres legitimos testes, *arg. art. 66. & 67. Const. Carol.* statim quoque in circumstantias inquirat, *th. prac. 54.* Etenim, si personas in illustri dignitate constitutas, vel sanguine conjunctas, vel etiam proprium dominum occiderit Latro, augetur poena, & praeterea, quod supplicium rotæ patitur etiam candenti ferro lacerari debet, *d. art. 137.* quod obtinet quoque si idem crimen aliquoties reiteraverit, *arg. l. fin. §. 3. C. de modo mulct. qua à judic. infl.* aut aliud æquè grave commiserit, *Carpzov. pr. crim. p. 1. q. 23. n. 12.* secus est si latrocinio levius aliquod perpetraverit crimen, *Carpz. all. loc. n. 47.*

LXVII.

Perinde verò ut circumstantiæ delictum gravant, & per consequens etiam poenam, sic eadem illud mitigant & minuunt. Nam, si latro illum quem rebus suis spoliatur tantum vulnerat, non poena rotæ sed gladij ipsi irrogatur; uti etiam illo in casu quando quis aliquem ideo interficit quod resistat quo minus res furtivas auferre possit, *Carpzov. all. loc. q. 22. n. 51. add. th. 63.* Et hæc ita obtinent, si de delicto liquido constet: Sin verò iudex non potuerit explorare & perquirere homicidium, parricidium, latrocinium & simile permanentis facti delictum in loco per reum assignato revera esse factum, tunc ordinariæ poenæ sententiam in reum proferre non potest, *vid. th. praced. 62.*

LXIX.

De Furto quæstio moveri solet, anne scilicet sit facti

permanentis, an verò transeuntis. Nos secuti Mascardum *de prob. concl.* §30. n. 7. ponimus, furtum certo respectu potest dici modo permanentis, modo etiam facti transeuntis: Etenim si illud cum effractione aliqua, ostij forsan, vel capsæ aut alterius cujusdam rei factum sit, aut furtum sit manifestum, ad permanentis facti delicta referri potest, cum hoc casu vestigia post se relinquat, fractum scilicet ostium & capsam. Si verò cum ejusmodi fractura non sit commissum, non videmus quomodo inter delicta facti permanentis referri queat.

LXIX.

Quod enim capsæ sit vacua, non statim est indicium rem esse furto sublatam: nondum enim constat an in capsæ fuerit pecunia nec ne, vel si in eadem aliquando pecunia recondita fuerit, potest tamen esse quod eo tempore quo furtum aliquod commissum esse dicatur jam tum vacua fuerit: In facti permanentis delictis autem non dubitatur magis an res aliqua existerit nec ne, si enim homo mortuus inveniat, statim constat eum antea fuisse in vivis. Tum quoque quod judex in furtum & rem furtivam inquirere debeat, non efficit hoc, ut inter facta permanentia referatur, eo enim modo omnia delicta carnis essent talia quæ permanentis facti dicuntur, cum & in iisdem in veritatem facti investigetur; illa autem ferè omnia facti transeuntis esse nemo negaverit.

LXX.

Ex hisce constare potest, quod ad hoc ut in furto poena ordinaria locum habeat, etiam scire debeat judex an illud ipsum factum sit cum fractura, an sine illa. Hoc enim casu rei confessioni si accedat jurata domini deposi-

depositio rem esse furto ablatam, fur ordinariâ poenâ affligi poterit, vid. Farn. *lib. 1. tit. 1. q. 2. n. 15.* Clar. *pr. crim. §. fin. q. 35. n. 11.* Carpzov. *pr. crim. q. 81. n. 17.* Illo autem casu insuper requiritur uti constet revera factam esse fracturam.

LXXI.

Deinde etiam necessum est ut accuratè iudex distinguat, an furtum sit simplex, an parvum, magnum, primum, secundum, tertium; an certum sit, quis nam illud commiserit, quid sit quod furto dicitur ablatum, idque secundum Const. Crim. Carol. V. 157. 158. 159. & seqq. quibusdam articulis. add. Matth. Steph. *ibid.* & imprimis Magnif. Dn. Præf. *in observ. ad Vvesenb. tit. d. furt. n. 15. ad verb. non etiam in furtis &c.* ubi hæc omnia per quam eleganter tractat, Boccr. *class. 4. disp. 1. num. 89. & seqq.* Ludov. Gilhaus. *arbor. judic. crim. cap. 2. tit. 27. num. 26. & seqq.*

LXXII.

Sed, quid in delictis carnis statuere oporteat, non satis liquet: Abditè enim & occultè ejusmodi delicta fieri solent, adeoque an facta sint nec ne, verè vix explorari potest, cum difficilis admodum sint probationis restantibus. Farin. *de delict. carnis q. 136. cap. 1. num. 4.* Menoch. *de arbitr. jud. quest. cent. 2. cas. 116. n. 11.* Laur. Kirchhof. *com. opin. cent. 1. concl. 5. vers. adulterium,* Mascard. *de probat. vol. 1. concl. 57. n. 3. & seq.* Boccr. *class. 4. disp. 12. num. 22.*

LXXIII.

Res tota maximè consistere videtur in decisione controversæ illius & quæ multa præclara exercuit ingenia, quæstione: An nimirum in delictis carnis requi-

ratur utriusque partis delinquentis confessio ad hoc ut condemnationi locus sit, an verò unius confessio sufficiat. Ad quam quæstionem breviter respondemus. Aut delictum est tale ex quo mortis poena veniat infligenda, aut quod tantum importet relegationem vel ejusmodi levio rem aliquam poenam. Si mortis poenam inferat, non sufficit unius partis confessio sed utriusque omninò requiritur.

LXXIV.

Cum enim ex sola confessione nemo puniri possit nisi etiam præterea constet delictum esse commissum, *l. 1. §. 17. ff. d. quæst. de delictis* autem carnis plenè & apertè constare nequeat, cum sint facti transeuntis, ideò utriusque partis confessio ad repræsentationem corporis delicti sufficit ad poenam mortis irrogandam. Et hæc sententia hodie in praxi observatur.

LXXV.

Neque verò eam infringit *l. 17. §. fin. ff. ad L. Iul. de adult.* quæ dicit, quod mulier sine præscriptione de adulterio accusari possit, quamvis adulter diem suum obierit antequam condemnetur, vel cum eo agi ceperit. Ut ut enim concesserimus de jure Digestorum sufficere quandoque confessionem unius ad condemnationem, propterea quod illo jure delictum hoc carnis adulterium scil. poena mortis non coërebat: Nihil tamen aliud inde probatur quam confessionem Rei in crimine adulterij sufficere ad infligendam poenam relegationis, etiamsi alterius partis confessio non concurrat, quod nobis non est dubium.

LXXVI.

Si verò delictum est tale, quod mortis poenam non inferat

inferat, tunc unius confessio concurrentibus legitimis
indicijs sufficiens esse potest ad irrogandam pœnam.
Etenim, si ex solis indicatijs & præsumptionibus quis pœna
extraordinaria affici potest, uti patet *ex c. literis 12. X.
de præsunt.* add. Mascard. *de probat. vol. 3. concl. 1220.
num. 10.* Menoch. *de præsunt. lib. 1. q. 94. & 97.* Franc.
Brun. *de indic. & tort. part. 1. q. 4. num. 15.* Clar. *pr. crim.
§. fin. q. 20. num. 5.* Magnif. Dn. Præs. *in obs. ad Vvesenb.
tit. ad L. Jul. de adult. n. 18. ad verba alioquin*, non vide-
mus cur dubitari possit quo minus in hisce delictis quæ
relegationem vel aliam leviozem pœnam merentur,
non sit locus condemnationi quantumvis de facto ex
unius confessione & alijs quibusdam indicatijs constet.
Hæc jam de delictis dixisse sufficiat, cum, quid in alijs
obteneat ex hisce constare possit. Paucis tantum ad-
dimus effectus quos cognitio corporis delicti in singu-
lis actibus judicis producat.

LXXVII.

Cognitio corporis delicti quem habeat effectum
in inquisitione, ex istis quæ superius *th. 28. & seqq.*
dicta sunt, perspicui potest: Quemadmodum enim ju-
dex sine præexistentia ipsius delicti inquisitionem for-
mare non potest, sic etiam si veritatem de delicto com-
misso est consequutus, necessariò inquirere & super ipso
delicto procedere debet, vid. Clar. *q. 4. n. 2.* Unde Bal-
dus *in L. mancipia §. n. 1. C. de serv. fugitiv.* dicit, se vidisse
condemnari quendam judicem, qui portaverat ad Ca-
meram accusationem sibi delatam super quâ procedere
noluerat. Neque etiam effectui caret cognitio hæc cor-
poris delicti quoad incarcerationem, hæc enim si fiat
sine præexistentia facti, injustè perficitur, & facit, quod
sic

sic indebitè incarcerationis iudicem injuriarum convenire possit, *l. 32. ff. d. injur. & ibi Gothofr. Hippol. de Marfil. pr. crim. §. constante num. 4. Dn. Manzius ad constit. Carol. art. 6. num. 22.* si tamen appareat, incarcerationem ab ipso factam esse animo injuriandi, *arg. l. 5. C. de injur. l. 1. §. 1. l. 3. §. pen. & ult. ff. eod. aliàs enim arbitrariè puni-
tuitur, Farin. de Carcer. & carcerat. q. 27. n. 141.*

LXXIIX.

Cum in tortura agatur de irreparabili præjudicio, & multi, qui hasce angustias sustinere coguntur potius mori quam vivere malint, *Nov. 114. c. 13.* ideo etiam iudex præsumitur in dolo constitutus si absque præcognitione corporis delicti quem torturæ subiciat; & hodie ex injusta tortura iudex ex syndicato tenetur ad damnum, injuriam, expensas & ad interesse, idque secundum *Constit. Carol. art. 20. in fin.* quam malè quidam advocati & iudices, Clari saltem sententiæ insistentes, negligunt. Crescunt & augentur hæ poenæ in tantum, ut nonnunquam mortis poenam luere debeat iudex, si fortè injuste quem ad mortem condemnaverit. Ex hisce ergo apparet quem effectum cognitio Corporis delicti producat: Etenim si iudex prius delicti veritatem sibi acquisiverit, poenam effugere potest. Et hæc nunc hæc vice sufficiant de Corpore delicti, Deo sit
laus & gloria,



Corollaria.

I.

Universitas, Provincia, Urbs, Populus, Collegium, Municipium, non tantum ex contractu obligantur sed etiam ex delicto.

II.

Si ex crimine famoso ad tempus quis damnatus fuerit, transacto tempore non durat infamia.

III.

Ex lege Julia poena de adulteriis non fuit capitalis.

IV.

Cum sponsa alterius committitur adulterium, sive sponsalia de praesenti cum ea fuerint contracta, sive de futuro.

V.

Polygamus, qui duas eodem tempore uxores ducit, adulter est.

F

VI. Quæ

VI.

Quæ pœna fuit constituta adulteris jure Cæsareo seu civili, illa etiam ejus pœna est jure Carolino.

VII.

Constitutioni Arcadij & Honorij in l. quisquis 5. C. ad L. Jul. Maj. subjiciuntur filij tam ante quam post commissum crimen perductionis nati.

Ad Eruditissimum

DN. IOHANNEM Barchhusen

DE

CORPORE DELICTI

publicè disputantem,

AMICVM SVVM EXOPTATISSIMVM.



*Orpus delicti perquirat ut ordine Iudex
Legitimo, exposcunt sacratissima sanctio
legum,*

*Et Caroli Quinti, nec non monumenta priorum
Induperatorum, ne falsa relatio verum*

Subvertat, miseros nec tristi quæstio fallax

Urgeat insontes luctu pereantq; tremendo,

Indi-


*Iudicis injisti, tristissima quæq; sequantur;
Quæ revocare nefas, quæ retractanda nefando
Ausu difficile est, quin Iudex sanguine tinctus
Infantis, magis est laqueo perdaturo acerbo
Quo patrauit idem, quod & alma sacraria ligum
Constituere simul: Sane si causa prophana
Efflagitat factum, nam ex facto jura resultant,
Quanto plus facti facta ardua jure requirunt
In quæ delicti corpus consistit, & inde
Corporis exoritur jus, jura silescere fas est,
Facta ubi deficiunt, hinc inquisitio falsa
Quam non examen præcedit in ordine, certum
Corpus delicti, quâ in causâ sæpius errat
Iudex imprudens quò nil crudelius unquam.
Quare Magnificus Vir Præses laude coruscat
Æternâ, qui te modo Respondente resolvit
Materiam Iuris, quò erranti limine primo
Hæc via monstratur liquidò, ne indagine missâ,
Quodnam delicti corpus? nec cætera desint,
Scilicet, ut recto procedant ordine causæ,
Hæc dum rite doces, labor hic tibi proderit olim
Et te non vili celebrabit nomine fama.*

Benevolentia testandæ
ergò

Hannoverâ misit

Iacobus Andreas Crusius. D,

F I N I S.



17